



**KORPSCHIEF RAMON ARNHEM:
CUERPO POLICIAL TA
FORTALECE SUPERVISION Y
SIGURIDAD DEN CENTRO
DI CIUDAD**



WWW.SOLODIPUEBLO.COM



SOLODIPUEBLO@GMAIL.COM

12 LUNA DI PRISON PA HOMBER CU A HINCA OTRO HOMBER MAS DI 8 BIAHA

**PARLAMENTARIO XIOMARA
MADURO TA PIDI SPLICACION
RIBA E EXCLUSION
DI SCOUTING
ARUBA DURANTE
CELEBRACION DI NOS
DIANAN NACIONAL**



**DIMP TA LANSA UN
SISTEMA DIGITAL
PA AREGLO DI
PAGO Y COBRANZA
DI IMPUESTO**

Diesdos aña consecutivo

CHILL TA DETERMINA PA HACI “FLIP FLOP 2026” ESUN DI MAS GRANDI!

Oranjestad, Aruba — Loke a cuminsa na aña 2010 como un evento local gratis na Village Mall cu bandanan local, a crece bira un estilo di bida y un di e experiencianan di entretenimento mas spera riba nos isla. Awo celebrando su di 12 edicion, Flip Flop Festival ta sigui evoluciona den un miho experiencia dia 6 di juni proximo. E aña aki agrupacionnan local, DJnan y MCnan local, lo comparti e escenario di Harbor Arena cu e cantantenan internacional Machel Montano y Myke Towers.

Cu sosten di Tropical Bottling Company y Brouwerij Nacional Balashi cu nan producto “Chill”, a crea e concepto Flip Flop pa ofrece un evento accesibel unda musica y entretenimento, tanto local como internacional, por bini hunto pa brinda e publico un experiencia inolvidabel.

Despues di su comienzo exitoso na Village Mall, e evento a muda pa Surfside Beach na aña 2010, caminda el a haya un escenario mas grandi pa sigui expande pa un publico mas grandi.

Den transcurso di añanan, Flip Flop a bira conoci pa trece artistanan di mas popular y crea experiencianan memorabel cu ta combina musica y e bebidanan premium cu Tropical Bottling tin pa ofrece.

E edicion di e aña aki un biaha mas ta destaca e bebidanan di Tropical Bottling Company, cu ta consisti di marcanan manera nos cerbes local Chill, Dewar’s, Bacardi, D’USSÉ y mas cu claro Coco-Cola y Sprite.

Durante e evento, Chill lo tin un presencia fuerte cu diferente activacion diseña pa involvi e publico durante henter e anochi. E fanaticonan por spera regalonan exclusivo, gadgets y experiencianan interactivo cu ta agrega mas energia na e evento. Chill lo sorprende e publico cu momentonan special y promocionnan, creando un escenario cu ta refleha e ambiente vibrante di Flip Flop.

A diseña un area special den Harbor Arena unda lo enfoca riba recrea e estilo di bida cu Chill ta simbolisa. Tur esaki sin lubida e “Chill

Moment” cu sin duda lo hiba tur presente den e memoria di e ultimo 12 eventonan.

Un cos mester ta cla: No solamente ta traha duro pa haci e edicion aki di Flip Flop esun di mas grandi den historia, sino tambe pa refresca nos memoria den kico cerbes Chill ta para p’e y con nan a crece pa ocupa e posicion di honor cu nan ta gosa di dje awendia

Tropicall Bottling ta invita tur fanatico pa cumpra nan ticket trempa y no keda afo di experiencia Flip Flop Festival 2026.

Tocante Cerbes Chill

Cu un inversion alrededor di 20 miyon florin, MetaCorp a colabora cu partnernan Aleman riba e iniciativa proponi. Nan a combina un di e miho awanan pa bebe na mundo, esta e awa di Aruba, cu tecnologia innovativo di Alemania, pa produci Balashi, un producto di clase mundial pa consumidonan local y pa exporta. E tabata un inversion logico, pasobra MetaCorp tabata doño caba di e planta local di Coca Cola, esta Tropical Bottling Company. Pues, facilmente por produci cerbes Balashi y ainda comparti espacio di e liña di produccion cu un di e marcanan di refresco di mas popular na mundo. Un banda di e planta ta brouw, herbe y fria, mientras cu e otro ta mix y yena. Ambos ta uza e tremendo washing machine pa boter y comparti capacidad moderno di canning y labeling.

Na aña 2011, e brouwerij a inspira y crea e producto Chill y a lans’e exitosamente durante temporada di carnaval. Con a bini na e nomber? Ningun hende ta corda, e lo mester a sali naturalmente for di e brewers y e localnan, pasobra a ricibi e cerbes nobo pa beach cu masha entusiasmo y mesora el a bira un game-changer den e mercado local, cu competencia grandi pa otro marca di cerbes pa bebe na lama.

Na aña 2018, mientras cu e sabor a permanece exactamente mescos, e imagen a bira mas briyante. E logo a ricibi un solo rondona door di e rayonnan solar. E cursive lettering a haya mas distincion, mientras cu a reemplasa e boter



medio blauw pa uno cu clear glass y miho cu tur cos, e label a bira transparente. E mensahe patras di e boter a minimalisa, pero a keda cu e mensahe di “Mantene Aruba Limpi.”

Bendi den boter of bleki, cu e clear label, Chill awendia ta disparce for di shelves facilmente, yegando den man di e consumidonan y supermarket shopping carts.

Kico ta e secreto tras di Chill? Traha den batch chikito, semper fresco, sin sucu, localisa na Balashi net banda di e planta di destilacion di awa, cu un awa mundialmente conoci y atencion na detaye.

Ambos Balashi, Chill y Magic Mango, awor ta e cerbesnan di mas ‘green’ na Aruba, exitosamente recuperando 90% di nan boter, danki na un proceso generoso di reciclamento, hunto cu un tremendo operacion di laba y recicla boter, percurando cu mayoria no ta yega dump. Balashi Brouwerij ta awor un ambiente totalmente automatiza, cu control di calidad estricto. Tur producto ta carga e bandera di Aruba, pues consumidonan ta protehi, nan sa for di unda nan cerbes ta bini, nan sa cu e ta fresco sin nada adicional, sin food coloring, color di oro, soft riba e lenga y nanishi, anto hopi suave riba e foam cap.

PARLAMENTARIO XIOMARA MADURO TA PIDI SPLICACION RIBA E EXCLUSION DI SCOUTING ARUBA DURANTE CELEBRACION DI NOS DIANAN NACIONAL





PARLAMENTO DI ARUBA

Fraccion di MEP

Sr. Minister Eman di Cultura,

Como miembro di Parlamento mi kier expresa mi profunda preocupacion — y indignacion — tocante e manera inaceptable den cual gruponan di scouting ta wordo trata durante e Acto Protocolar di Dia di Himno y Bandera dia 18 di maart 2026 y tambe riba Dia di Rey 2026.

Scouting Aruba, durante decenianan, a forma un parti esencial di celebracionnan nacional manera Dia di Himno y Bandera y Dia di Rey. Nan presencia no solamente ta simbolico, sino tambe ta representa disciplina, compromiso civico y amor pa pais — balornan cu nos como sociedad mester promove activamente.

Sin embargo e aña aki scouting a wordo practicamente exclui di participacion activo na e celebracion di nos dianan nacional. Na luga di integra nan den e programa, por ehempel Dia di Himno y Bandera nan a wordo limita pa para un banda, mientras otro gruponan si a haya oportunidad pa participa plenamente. Dia di Rey, scouting no tabata ni sikiera invita pa participa, siendo cu semper nan ta forma parti di e ceremonia.

E trato aki no solamente ta desrespetuoso, sino tambe incomprendibel y inaceptabel, considerando e trayectoria y contribucion constante di e movimiento scout na Aruba — incluso den circunstancianan adverso.

E situacion aki ta lanta preguntanan serio tocante transparencia, criterio di seleccion y respet institucional pa organisacionnan cu ta contribui na formacion di nos hobenan y identidad nacional.

Pa e motibo aki, mi ta exige aclaracion inmediato riba e siguiente puntonan:

1. Kico tabata e motibo concreto pa exclui scouting di participacion activo den e acto protocolar di Dia di Himno y Bandera 18 di maart 2026 y Dia di Rey?
2. Kico ta e criterio actual cu Comision Celebracion Dianan Nacional (CCDN) ta uza pa determina cual organisacion por participa activamente den eventonan nacional?
3. Kende a tuma e decision pa limita e rol di scouting, y riba cual base esaki a wordo haci?
4. Minister of CCDN ta dispuesto pa reconoce cu aki a comete un error y pa corigi esaki?
5. Ki garantia concreto e Minister por duna cu scouting lo wordo reintegra plenamente den celebracionnan nacional den un manera digno y respetuoso?

Mi kier enfatisa cu e asunto aki no ta un detaye menor. Ta trata di e respet institucional, coherencia den politica cultural, y reconocimiento di organisacionnan cu ta contribui activamente na bienestar di Aruba.

Parlamentario di MEP, Xiomara Maduro, a manda preguntanan na Minister di Cultura, sr. Mike Eman. E parlamentario kier sa dicon Scouting Aruba no a haya oportunidad pa participa den e celebracionnan nacional, manera Dia di Himno y Bandera, y Dia di Rey

2026. Scouting Aruba merece respet! Scouting Aruba pa hopi aña ta forma un parti esencial di e celebracionnan nacional y ta representa balornan importante manera disciplina, compromiso civico y amor pa pais. E

exclusion reciente, segun Maduro, no solamente ta un falta di respet, sino tambe incomprendibel y inaceptabel, considerando e contribucion continuo di e movimiento scout na desaroyo di hoben y sociedad Arubiano. Maduro a indica cu e situacion aki ta lanta preguntanan serio tocante transparencia, criterio di seleccion y respet institucional pa organisacionnan cu tin un rol importante den

formacion di nos identidad nacional. E parlamentario ta pidi contesta riba algun pregunta importante, manera:

- Dicon scouting no a wordo inclui
- Cual regla a wordo uza pa scoge ken por participa
- Si e decision lo wordo cambia
- Si lo tin miho coordinacion pa futuro

Parlamentario Maduro ta enfatisa cu esaki no ta un asunto menor, sino un cuestion di coherencia den politica cultural y reconocimiento di organisacionnan cu ta contribui activamente na bienestar di Aruba. Finalmente, e parlamentario a indica cu e ta spera di haya contesta oficial di Minister Eman dentro di un periodo di tres (3) siman.



Noticiadi Corte

12 LUNA DI PRISON PA HOMBER CU A HINCA OTRO HOMBER MAS DI 8 BIAHA -1-

ORANJESTAD – Hues di Corte di Husticia a trata e caso penal cu Ministerio Publico a cuminsa contra e homber O.A.H. (45), kende ta wordo acusa di a hinca e homber G. mas cu 8 biaha cu un arma y lo a corta e homber K.

SOLO DI PUEBLO por a compronde cu Hues a conclui cu no por saca afor si O.A.H. tabatin un cuchiu, sambechi of yabi di auto. Loke por mira riba e video di seguridad ta cu O.A.H. tabata haci movecionnan di hincamento violento riba e homber G. Hues a declara O.A.H. liber di e acusacionnan intento di mata y di a corta e homber K. Hues a condena O.A.H. na 12 luna di prison di cual 6 luna ta condicional.

HINCAMENTO DEN CLUB NOCTURNO

E acusacionnan cu Fiscal a presenta den Corte contra O.A.H. ta di intento di mata e homber G. door di a hink'e diferente biaha cu un arma y a maltrata cu arma e homber K. riba 18 October 2025. Tambe Fiscal a pidi Hues pa ehecuta e castigo condicional di 5 luna contra O.A.H. ya cu el a haci e hincamento den su tempo di prueba.

Hues a bisa cu el a haya for di Fiscal videonan di seguridad di e club nocturno caminda ta mira con e hincamento a sosode. Abogado mr. Canwood a bisa Hues cu el a haya e videonan laat y no a haya chens pa studia nan debidamente. Hues a bisa cu ta importante pa pasa e videonan pa mira con e hincamento a sosode. A pasa e videonan den Corte, caminda ta mira bon cla O.A.H. ta haci movecionnan di hinca riba G.

E incidente a sosode na Cas Casuela. Hues a puntra O.A.H. kico a sosode. O.A.H. a bisa cu e dia ey el a haci un fayó door di sali cu e homber K. Nan a bay dal un ronchi. El a bisa Hues cu e no ta corda mucho bon. El a bisa cu nan a bebe hopi bebida mescla. For di tempran a cuminsa bebe.

Segun O.A.H., e promer impresion cu e tabatin

ora el a recobra conocimiento, tabata cu nan a bringa. El a bisa cu ora el a lanta, e tabatin corta na su elleboog, sla na curpa. El a bisa cu e no sa cu kende el a bringa. Segun O.A.H., ta ora el a wak e video el a mira cu kende el a bringa. Hues a bisa cu riba e video por mira O.A.H. ta habri algo cu su boca y despues a tene esaki na su man y bay riba G. y tabata hinca diferente biaha cu forza.

Despues di a mira e video den sala di Corte, Hues a puntra O.A.H. kico e tin di bisa. O.A.H. a bisa cu e no tin nada di bisa. Hues a bisa cu por mira cu e anochi tabata druk y un homber a pusha un otro homber y e ora ey tur cos a sosode.

Hues a remarca cu den transcurso di añanan, O.A.H. tin en total 14 año sera. Tin casonan di droga y intento di mata. Den e caso aki, O.A.H. tabata den su periodo di prueba caminda tin 5 luna condicional tabata colga riba su cabez. Hues a puntra pakico O.A.H. ta blo cay den man di husticia asina. Hues a bisa cu riba camera no ta mira O.A.H. ta hinca K. Ta na Polis K. a bisa cu O.A.H. lo a hink'e.

NO SA KICO A USA PA HINCA

Ta asina cu G. a bay hospital pa tratamiento y e mesun dia e por a bay cas. K. tabatin un corta bou di un wowo. Hues a bisa cu no por saca afor si H. a hinca cu un cuchiu, un sambechi of un yabi di auto. Hues a bisa cu na Augustus 2025, O.A.H. a sali liber for di KIA y na October 2025 e ta bolbe cay sera. Awor Fiscal ta exigi pa O.A.H. haya e castigo condicional di 5 luna riba e castigo cu e mester haya. Hues ta haya cu ta hopi straño cu diripiente O.A.H. ta explota den rabia y hinca G. Riba pregunta di abogado, O.A.H. a bisa cu na Cas Casuela, miembronan di seguridad a listra tur hende promer cu dreña.

FISCAL TA EXIGI 18 LUNA DI PRISON

Fiscal ta haya legalmente proba cu O.A.H. a hinca e homber G. diferente biaha cu algo skerpi. Fiscal a muestra cu por mira cu O.A.H. ta habri algo cu su boca y despues ta keda hinca

G. diferente biaha y cu forza. Ta asina cu O.A.H. tambe tabatin corta na su curpa. Fiscal ta haya cu mirando e hincamento, no por bisa cu ta intento di asesinato. El a muestra cu O.A.H. a hinca e homber G., 8 pa 10 biaha y Fiscal ta considera esaki un intento di maltrato severo. Fiscal a bisa cu e ta exigi pa declara O.A.H. liber di a maltrata e homber K.

Pa cu e castigo, Fiscal a bisa cu e ta tene cuenta cu carchi di castigo di O.A.H., kende a haci e delito aki durante su tempo di prueba. Fiscal a exigi 18 luna di prison di cual 6 luna ta condicional cu un tempo di prueba di 3 año. Fiscal a exigi pa pone acerca e 5 lunanan condicional. Pues e lo bira 17 luna di prison cu O.A.H. lo mester sinta den KIA. Fiscal ta haya cu lo ta bon pa O.A.H. cay bou guia di Reclasering pa haya gui riba controla agresion.

Continuacion pag 6.

Clasificados

SOLODIPUEBLO@GMAIL.COM

CEL. 585 9500

Un encuentro importante pa trata inclusividad den deporte na tur nivel

NICOLE HOEVERTSZ A PARTICIPA COMO PANELISTA NA E “WOMEN IN PARA SPORTS AMERICAS ARUBA SUMMIT”



Durante e fin di siman cu deporte Paralimpico na a pasa e organisacion di Aruba, “Aruba Paralympic



Committee” (APC) conhunt cu “Americas Paralympic Committee” a organisa e di 4 edicion di e “Women in Para Sports Americas Aruba Summit”. E congreso aki ta trece un gran cantidad di pais hunto, unda mas di 50 hende muhe di e region Panamericano a bin hunto pa asina combersa riba diferente tema di importancia pa inclusividad den deporte. Durante e congreso aki di 3 dia, diferente topico a wordo discuti a traves di un panel di expertonan, unda cu Secretaria General di Comitè Olimpico Arubano (COA) Nicole Hoevertsz a participa. Nicole a participa den e panel di “Leading Global Change: Advancing Women in Sports Across Systems”.

Nicole ta un lider mundial den deporte y miembro di Comitè Olimpico

Internacional (IOC), ademas di ta miembro di e comision ehecutivo di PanAm Sports. Actualmente e ta presidi e Comision di Coordinacion pa e Weganan Olimpico y Paralimpico di Los Angeles 2028. Como un defensor fuerte di igualdad di genero y inclusion, e ta traha pa avansa liderazgo di hende muhe y expande oportunidadnan pa comunidadnan subrepresenta. Siendo un hende muhe for di un isla chikito den Caribe ku ta influencia desicionnan global, e ta refleha e importancia creciente di bosnan diverso pa forma e futuro di deporte.

Hunto cu demas panelista nan manera Minister di Deporte Gerlien Croes y Presidente di APC Shardea Croes, a combersa cu demas invitadonan internacional riba e tema

importante di lidera cambio na nivel mundial, unda por a mira hopi punto en comun y e deseo general di kier mira un cambio pa cu inclusividad den deporte, no solamente na nivel di atleta, si no tambe na nivel di entrenador y di liderazgo. A reconce cu e ta un proceso cu ta den un rumbo positivo, pues mester sigui desaroya locual ta sosode y empodera mas di nos comunidad pa asina por trece e cambionan desea pa asina tur hende tin un oportunidad igual dentro di e mundo di deporte.

Ta gradici e organisacion di e congreso aki, como a muestra di tin hopi balor agrega y lo sigur sirbi como un vehiculo pa sigui empodera y crea lidernan den nos comunidad cu lo lucha pa deporte igual pa tur.

12 LUNA DI PRISON PA HOMBER CU A HINCA OTRO HOMBER MAS DI 8 BIAHA -2-

ABOGADO NO TA HAYA CU TIN HERIDADNAN SERIO

Abogado mr. Canwood a bisa Hues cu O.A.H. ta admiti di tabata involvi den bringamento pero ta desmenti di a hinca. E abogado a bisa cu na Cas Casuela, miembronan di seguridad a listra tur hende. E abogado a bisa cu por mira riba video movecionnan di hincamento pero no ta mira si tabatin hincamento. Mr. Canwood a bisa cu e ta comparti punto di bista di Fiscal cu no por considera esaki un intento di asesinato. E abogado ta haya cu maltrato severo no ta proba. E abogado ta haya cu tabata un pelea cu varios hende involvi. No por mira si O.A.H. tabatin un cuchiu, sambechi, boter kibra of yabi di auto. Na opinion di abogado, e homber G. no mester a wordo cosi pa e heridanan. Esey ta nifica cu no tin heridanan serio y no por papia di intento di maltrato severo. Hues a remarca di unda abogado ta bisa cu no tin

cosemento. Na opinion di Hues, ta un hecho cu tin verband pa tapa heridanan pa evita infeccion. Abogado a bisa Hues cu normal for di hospital lo mester tin skirbi cu tin cosemento y potret di e cosemento. Abogado a bisa Hues pa tene cuenta cu casi 20 aña, O.A.H. no a cay den man di husticia. E abogado ta kere cu e problema di O.A.H. ta uso di alcohol y no problema di agresion manera Fiscal ta bisa.

SENTENCIA

Hues a sera tratamiento di e caso y a dicta sentencia di biaha. Hues a remarca cu tanto Fiscal como abogado ta bisa cosnan cu no por muestra. Hues ta haya cu G. a bisa cu el a wordo agredi y a sufri varios corta y hinca. Por mira riba video di seguridad cu O.A.H. tabata haci movecion di hinca. Esey ta muestra cu O.A.H. tabatin algo skerpi den su man. E pregunta ta,

kico O.A.H. a usa. Na opinion di Hues, no tin ningun indicacion kico O.A.H. tabatin den su man. No tin informacion con hundo e heridanan ta. Tur esaki ta haci cu no por bisa cu ta maltrato severo. Hues a declara O.A.H. liber di intento di mata y di intento di maltrato severo. Hues ta haya O.A.H. culpabel di maltrato cu arma. Hues tambe a bisa cu ta preocupante cu for di nada, diripiente O.A.H. a cuminsa hinca.

Hues a condena O.A.H. na 10 luna di prison di cual 3 luna condicional cu 2 aña di prueba y bou guia di Reclasing. Hues a bisa cu Reclasing lo mester wak si O.A.H. mester sigui curso pa agresion y uso di alcohol. Hues a bisa cu di e 5 luna condicional, lo pone 2 luna acerca di e castigo. En total, O.A.H. mester sinta mas 12 luna y en total 6 luna condicional. Ta asina cu ya caba O.A.H. tin 6 luna sera den KIA.

REGISTRACION DI ARUBA BANK WALK & RUN 2026 TA HABRI DIABUEBS 7 DI MEI

Oranjestad, Aruba – Aruba Bank ta recorda cu e 20 edicion di Aruba Bank Walk & Run su registracion ta habri diahuebs, mei 7 pa 6or di atardi online. E link pa registracion ta disponibel riba e website di Aruba Bank, riba plataformanan social of Aruba Bank Walk & Run App.

E contribucion pa participacion ta 25 florin pa persona pa tur 4 dia. Pago por wordo haci via credit card durante registracion, online transfer of cu debit card ora di busca pakete.

“E pakete di Aruba Bank Walk & Run 2026 ta consisti di bo Drifit shirt, Bib cu chip, promo items di 2026, flyer informativo y fruta y awa pa tur 4 dia y tambe bo ta haya 10%

di desuento na Subway durante e 4 dianan di e evento” Roxanne Croes, Sr. Marketing Officer di Aruba Bank ta confirma. Dia 8, 11 y 12 di mei por busca pakete na IBISA Oranjestad, di 8:00am-4:00pm y dia 13 di mei di 8:00am-7:00pm

E evento mes ta tuma lugar dia 25, 26, 27 y 28 di mei 2026. Durante e 4 dianan di e evento, participantenan lo tin e oportunidad pa acumula 20 kilometer canando of core door di diferente distrito rond di Aruba.

Registra pa Aruba Bank Walk & Run 2026 diahuebs awor 7 di mei pa 6or di atardi y forma parti di e caminata di mas grandi di nos isla.



Na caminda pa Mundial

2026

FIFA DEN CAREDADA CONTRA HOLOSHI PA BENDE DERECHO DI TRANSMISION NA INDIA Y CHINA

Mientras e entusiasmo p'e maximo cita di futbol ta crece rond mundo, e organo rector di futbol, FIFA, ta enfrenta un reto grandi den e mercadonan mas grandi di Asia. A keda confirma cu e negociacionnan p'e derechon di transmision na India y China ainda ta den aire, faltando apenas cinco siman p'e pito inicial zona dia 11 di juni proximo.

E incertidumbre aki ta pone presion riba e organisacion, considerando cu e dos nacionnan aki ta representa e poblacion mas grandi di mundo y un pilar fundamental p'e strategianan comercial di e torneo.

Negociacionnan den secreto
Segun fuentenan oficial a informa e agencia EFE e diamars aki, FIFA a logra cera acuerdonan exitoso den mas di 175 territorio globalmente. Sinembargo, e bashi den e mercadonan Asiatico ta keda bisto.

"E discusionnan na China y India tocante benta di derechon di medio p'e Copa Mundial di FIFA 2026 ta den curso y mester keda confidencial den e etapa aki," FIFA a señala den un comunicado cortico ora a wordo consulta.

E panorama na India: Fusion y baloracion



Na India, e retraso tin hopi di haber cu e cambionan structural den e industria di media local. E fusion recien entre e gigantenan Reliance y Disney a crea un panorama nobo di monopolio y decisionnan corporativo.

Ademas, tin un disputa silencioso riba e balor di e derechon. P'e Mundial di Qatar 2022, e balor a yega na 60 milyon dollar, pero fuentenan den e sector ta indica cu e exigencianan economico di FIFA p'e edicion di 2026 no ta cuadra ainda cu e ofertanan riba mesa. Di otro banda, e cadena Sony, cu semper ta un fuerte competidor, a opta pa keda den silencio absoluto riba su posibel participacion.

China: Un tardansa poco comun
Pa loke ta trata China, e situacion ta straño p'e observadornan. Historicamente, e cadena estatal CCTV ta sigura e derechon cu hopi luna di anticipacion p'asina nan por bende nan espacionan publicitario cu tempo. E falta di un anuncio oficial n'e altura aki di e aña ta lanta interrogante riba e condicionnan di e contract.

Un mercado digital dominante
E motibo pakico e acuerdonan aki ta vital pa FIFA ta bisto den e cifranan di e ultimo Mundial:

Impacto Global: China y India a representa hunto 22,6% di e

alcance digital di henter e torneo na 2022.

Consumo na China: Casi mita (49,8%) di tur e oranan cu mundo a pasa mirando futbol riba plataformanan digital y social a bin di China.

Cremento na India: Aunke e television lineal a representa 2,9% di e alcance global, e mercado di streaming na India ta esun cu mas a crece, birando un mina di oro pa publicidad digital. Cu e conteo regresivo ya den marcha, e siguiente dianan lo ta decisivo pa sa si e fanatico di futbol na e dos paisnan aki lo por disfruta di e fiesta mundialista sin interupcion.

Minister Geoffrey Wever: DIMP TA LANSA UN SISTEMA DIGITAL PA AREGLO DI PAGO Y COBRANZA DI IMPUESTO

Oranjestad, 4 mei 2026 - Departamento di Impuesto (DIMP) den presencia di Minister di Finansa, Asunto Economico y Sector Primario, mr. Geoffrey Wever, a lansa oficialmente e di dos fase di e portal digital “BO impuesto (BOi)”, riba cual tur ciudadano y companía por wak su cobransanan di impuesto online y por haci un arreglo di pago online—un paso concreto pa modernisa nos departamento di impuesto, hacie mas eficiente y agradabel y pone mas control den man di nos ciudadano y empresanan.

E introduccion di e servicio nobo aki ta representa un paso concreto den e transicion pa un gobierno digital, mas eficiente, transparente y accesibel.

Pa prome biaha den historia di Aruba, ciudadano y comerciante por haya acceso completo na nan informacion fiscal directamente online, sin mester di bishita oficina of depende di proceso manual.

Cu e sistema digital aki, awo e usuario por:

- Wak nan cuenta completo online, incluyendo saldo habri y posibel restitutie
- Consulta historia di pago te 5 aña atras
- Crea arreglo di pago flexibel te 24 luna
- Cuminsa pago dentro di 60 dia
- Actualisa datonan personal manera adres, cuenta di banco y mas

E sistema ta ofrece informacion realtime, duna e usuario tin control


directo y inmediato riba nan situacion fiscal. E implementacion di e sistema digital aki ta elimina proceso burocratico innecesario, y ta pone mas control den man di ciudadano.

Entre e mehoracion principal:
No tin necesidad di pidi “rekeningoverzicht” via e-mail
No mester contacto directo pa yega na un arreglo di pago
Transparencia total di tur transaccionnan
Acceso facil pa descarga di informacion pa uso administrativo

E cambio aki ta fortalece confiansa den gobierno y ta crea un relacion mas directo, moderno y eficiente cu e ciudadano.

Realisacion di e proyecto aki no tabata posibel sin e compromiso, vision y dedicacion di hopi profesional. Minister Wever ta gradici Sra. Luenne Pieters pa su empeño y contribucion clave den desaroyo di e portal digital aki. Tambe, un reconocimiento profundo na tur e empleadonan di Departamento di Impuesto (DIMP) cu a traha cu dedicacion pa haci e proyecto aki bira realidad. Nan esfuerzo ta un ehempel di servicio publico cu ta pone interes di pais na prome luga.

Minister Geoffrey Wever a enfatisa: “Cu lansamento di e servicio digital aki, nos ta duna ciudadano y empresa control directo riba nan obligacionnan fiscal. Esaki ta un paso importante pa un gobierno mas transparente, eficiente y orienta riba servicio.”



FORT ZOUTMAN: UN SIMBOLO DI HISTORIA Y DEFENSA CU PRONTO LO TA RESTAURA



Fort Zoutman, e edificio mas bieu di Aruba, ta representa un parti fundamental di historia di nos isla. E fort, construi den siglo 18 pa defende Paardenbaai contra pirata y otro menasa, den un tempo cu inestabilidad internacional tabata pone presion riba region. E diseño di e fort tabata enfoca riba proteccion

tanto di e puerto como di e teritorio riba tera firme. Den su forma original, e compleho tabatin diferente edificio funcional, incluyendo un cuarto di guardia, cuartel pa soldad y un cuarto, hunto cu instalacionnan manera cushina, forno y deposito di awa. E patio central tabata sirbi como luga pa formacion y actividad

militar.

Den siglo 19, e fort a perde poco poco su funcion militar, pero su importancia historico a keda intacto.

Un elemento iconico agrega despues ta e Toren Willem III, construi entre 1866 y 1868. E toren tabata sirbi como faro cu un lanterna di kerosin y tambe cu un bel cu ta marca ora y alarma den caso di emergencia manera candela. E toren tabata ubica na entrada principal di e fort, cu bista riba Oranjestraat.

Den 1937, a amplia y modernisa e toren, ora cu a agrega un piso adicional y un holoshi na cada banda. E bel, fabrica na Hulanda, a forma parti importante di bida diario di comunidad. Den 1963, e toren a perde su funcion como faro.

Na 1974, a cuminsa un proceso importante di restauracion di Fort Zoutman y e edificionan rond di dje. Cu uzo di material historico, e structuranan original a wordo reconstrui, preservando e caracter

autentico di e lugar. Awo, e compleho ta recidente di e Museo Historico di Aruba. Fort Zoutman no ta solamente un monumento; e ta un testimonio bibo di e origen, defensa y desaroyo di Aruba.

Cu e anuncio di un fase nobo di restauracion, Gobierno ta reafirma su compromiso pa preserva e herencia cultural di nos isla. E proyecto venidero

lo enfoca riba mantene e integridad historico di e fort mientras cu ta prepara esaki pa futuro generacionnan.

E restauracion di Fort Zoutman ta forma parti di un vision mas amplio pa rescata y duna balor na nos patrimonio, sigurando cu historia di Aruba no solamente ta recorda, pero tambe ta biba.



WEGANAN ESCOLAR 2026, UN EXITO ROTUNDO!



ORANJESTAD – Diaranson 6 di mei - Durante dos siman largo nos alumnonan di scolnan preparatorio, basico y avansa a cera un aña escolar den un competencia deportivo sanamente cu otro. E Weganan Escolar tabata uno pre-clasificatorio pa tur e scolnan na Aruba cu a participa, pues e mihornan clasifica a bataya den e diferente ramo di deporte.

E Weganan Escolar tabata bou encargo di IBiSA cu desde nan existencia ta encarga cu e parti organisatorio y logistica como tambe e preparacion y competencia deportivo entre e scolnan na Aruba. Pa cu e Weganan Escolar 2026 a participa un total di 12 scol primario, 19 scol basico, y 11 scol avansa cu a competi den e deportenan di futbol, volleyball, kickball, Kid's Athletic y WE Mente.

E meta principal di e Weganan Escolar ta pa promove deporte bou di nos alumnonan di scol preparatorio, basico y

avansa. Na banda di esaki deporte ta crea amistad, hermandad y ta trece hopi positivismo.

Stichting Fundacion Lotto pa Deporte ta contento di por a contribui pa hasi e Weganan Escolar uno exitoso y asina tambe promove y contribui den deporte sano entre nos muchanan.

Pabien na tur cu e haci esaki un realidad pa nos alumnonan di scolnan primario, basico y avansa. Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

FIN




Clasificados

SOLODIPUEBLO@GMAIL.COM

CEL. 585 9500

DIA MUNDIAL DI LIBERTAD DI PRENSA, 3 MEI 2026



INTRODUCCION

Dia 3 mei a ser proclama como Dia Mundial di Libertad di Prensa na 1993 pa Asamblea General di Nacionan Uni, siguiendo un recomendacion di e Conferencia General di UNESCO.

E fecha a ser escogi pa coincide cu e aniversario di e Declaracion di Windhoek, den cual representantenan di medionan di comunicacion africano cu tawata participa den un seminario organiza pa UNESCO den e capital di Namibia, a crea un documento den cual a formula e principionan di e libertad di prensa.

Segun estableci pa articulo 19 di e Declaracion Universal di Derechonan Humano, e libertad di expresion ta un derecho fundamental: "Tur individuo tin e derecho di libertad di opinion y expresion; e derecho ta inclui e derechonan di no ser molesta a causa di bo opinion, investiga y recibi informacion y opinion, y e difusion di esakinan sin limitacion di frontera, y mediante cualkier medio di expresion".

Teniendo e derecho aki na cuenta, Dia Mundial di Libertad di Prensa ta un oportunidad pa recorda e gobiernonan cu ta necesario respeta libertad di expresion y pa refleha riba e problemanan di libertad di prensa y e etica profesional. E ta un oportunidad

pa:

1. Celebra e principionan fundamental di libertad di prensa.
2. Evalua e situacion di libertad di prensa na mundo.
3. Defende e medionan di comunicacion contra atentado riba nan independencia.
4. Rindi homenahe na periodista cu a perde nan bida cumpliendo cu nan deber.

2026 TEMA: DUNANDO FORMA NA UN FUTURO IMPULSA PA PAZ

(SHAPING A FUTURE AT PEACE)

Creando, dunando forma na y configurando un futuro impulsa pa paz.

Esaki lo por ser logra mediante acceso na informacion veridico, dunamento di cuenta den sector publico y priva, dialogo y confianza, libertad di prensa y un prensa independiente, cual tur ta contribui na establece paz, recuperacion economico, desaroyo sostenibel y respeta derechonan humano y principionan di un estado di derecho democratico.

Segun e World Trends Report 2022-2025 di UNESCO, libertad di prensa a conoce su pior caida desde 2012. E deterioro aki por ser compara cu e periodonan mas inestable di siglo 20, esta e dos gueranan mundial y e periodo di Guerra Frieuw entre Union Sovietico y e mundo occidental.

Manipulacion di informacion, incluyendo e uso di inteligencia artificial dor actornan maligno, ta debilitando confianza y seguridad nacional. Y na e mesun momento medionan di comunicacion independiente ta enfrentando un situacion di fragilidad economico. Auto-censura a crece cu mas di 60%, impulsa pa miedo pa represaya, menazanan en linea,



intimidacion hudicial y presion economico.

Dia Mundial di Libertad di Prensa 2026 ta ofrece un momento critico pa reafirma libertad di expresion y pa alinea periodismo, tecnologia (incluyendo inteligencia artificial) y actornan di derecho humano pa fortifica ecosistemanan di informacion pa futuro.

Pa enfrenta e inundacion di desinformacion den e ecosistema digital informativo, UNESCO a laga traha un manual titula "Journalism, fake news & disinformation: handbook for journalism education and training" na 2018 y na 2023 a lanza "The Guidelines for the governance of digital platforms" (Guia pa e gobernancia di plataformanan digital). Si implementa den nan totalidad, e normanan y principionan aki lo empodera tur partidonan interesa pa pone den marcha un sistema di gobernancia cu por promove e libertad di expresion y na mesun momento atende cu asuntonan externo negativo.

DIA MUNDIAL DI LIBERTAD DI PRENSA, SITUACION DI ARUBA Na Aruba dos iniciativa ta dunando contenido na e proposicion den e tema di 2026 pa Dia Mundial di Libertad di Prensa.

E promer iniciativa ta di e medio online Amigoe Aruba cu awor ta

ofrece un servicio na unda por manda via email bo comunicado di prensa cual cu uso di inteligencia artificial ta ser traduci na holandes, haciendo un resumen di e contenido di e comunicado den un forma na unda ta duna asistencia den e tono, estructura y escogencia di palabra pa crea un resultado profesional cu ta ser poni online, accesibel pa tur lector na mundo cu ta domina holandes. Mediante e servicio aki ta duna contenido na crea un plataforma accesibel pa tur hende pa expresion liber y critico asina creando e balance necesario den e discurso publico.

E di dos iniciativa ta di Rainbow Warriors Core Foundation cu despues di hopi aña di preparacion ta bay lanza un programa pa crea e infraestructura digital pa e utilizacion di Papiamento den ciencia, tecnologia y areanan profesional. Esaki ta encera entre otro creacion di diccionario y instrumentonan linguistico computacional pa facilita uso di Papiamento riba tur equipo digital.

PA MEDIONAN DI PRENSA EN GENERAL

Pa mas informacion, tuma contacto via telefon na 7478280 of via email press.rwicore@gmail.com.

REINA BEATRIX SCHOOL Y JULIANA SCHOOL PRONTO NA TURNO



Gobierno ta inicia restauracion di Willem de III Toren como parti di preservacion di patrimonio nacional. Den un paso significativo pa preserva herencia historico di Aruba, Gobierno a anuncia oficialmente e inicio di restauracion di e iconico Willem de III Toren.

Durante e anuncio, Prome

Minister Mike Eman a enfatisa e importancia di e compleho historico aki, señalando cu Fort Zoutman y e toren ta forma hunto un simbolo fundamental di historia di isla. “Aunque hopi hende ta mira esaki como un solo estructura, e fort tabata construi prome, y despues e toren a wordo agrega como parti integral di



e compleho,” e Prome Minister a splica.

Fort Zoutman, e edificio mas antiguo di Aruba, a hunga un rol central den desaroyo di gobierno di nos isla, sirbiendo den su momento como sede pa diferente funcionnan gubernamental, incluyendo aduana, inmigracion y hasta actividad parlamentario. Segun e Prome Minister, e restauracion lo wordo ehecuta cu respet total pa e balor historico di e edificio, uzando material original, colornan autentico y diseño fiel na su estado original.

“Preservacion di patrimonio no ta simplemente renoba un edificio, pero mantene bibo e historia y identidad di nos pueblo,” Eman a indica.

E proyecto lo wordo ehecuta den diferente fase. Inicialmente, e trabou lo enfoca riba mantencion completo di e toren, cu lo

tuma algun luna, sigui pa restauracion di murayanan y structuranan rond di e compleho.

E iniciativa aki ta forma parti di un plan mas amplio pa restaura y preserva monumentonan importante riba nos isla, incluyendo proyecto futuro manera Beatrix School y posibel reconocimiento di Juliana School como monumento.

Gobierno a destaca e rol esencial di Monumentenbureau Aruba, kende cu su conocimiento y experticio

ta guia e proceso pa sigura cu e autenticidad historico di e sitio ta wordo conserva.

Ademas, e proyecto ta crea oportunidad pa participacion di companianan local, fortaleciendo inversion y actividad economico den sector di restauracion.

Cu e inicio di e restauracion aki, Gobierno ta reafirma su compromiso pa proteha patrimonio cultural di Aruba, sigurando cu historia di nos isla ta keda preserva pa generacionnan futuro.



KORPSCHIEF RAMON ARNHEM: CUERPO POLICIAL TA FORTALECE SUPERVISION Y SIGURIDAD DEN CENTRO DI CIUDAD



Como parti di e esfuerso pa revitalisa centro di Oranjestad y San Nicolas, Korps Policial Aruba lo hunga un rol importante enfoca riba supervision, orden publico y siguridad den e area.

Korpschef Ramon Arnhem a splica cu dentro di e iniciativa nobo, e rol policial ta claramente defini: mantene presencia activo, supervisa comportamiento y sigura cu reglanan ta respeta.

“Si nos kier logra cambio, mester tin supervision y cumplimiento. Nos lo ta presente den caya, canando, vigilando y actuando ora ta necesario,” Arnhem a indica.

Segun e Korpschef, Cuerpo Policial no ta opera isoladamente, pero como parti di un esfuerso conhunto cu otro instancia. E enfoke ta riba colaboracion pa logra un centro di ciudad cu ta mas sigur y ordena.

Un aspecto importante di e strategia ta e presencia visibel di polis riba caya. Patruyanan na pia y

vigilancia activo lo forma
partir de enfoque para
mantener control y prevenir
situaciones que por afectar
seguridad.

Ademas, e Cuerpo Policial lo tuma un rol den identifica y canalisa persona cu ta den situacion

vulnerable, trahando
hunto cu otro partnernan
pa logra un trato humano y
structural.

Arnhem a enfatisa cu e meta principal ta mehora e siguridat y bida den centro

di ciudad.
“Nos ta enfoka riba
comportamento y
siguridad. Nos lo intervin
ora ta necesario, pero
tambe guia y orienta,” el a
agrega.

E rol policial den e

iniciativa aki ta contribui
directamente na crea
un ambiente unda
comunidad, comerciante y
bishitantenan por sinti nan
mes mas sigur.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Anochi - May 05, 2026

Sorteo # 8838
9246
5427
8531
X2
Sorteo # 7882
9187
X3
Sorteo # 2587
5950
Sorteo # 6641
4943
Acuario
Sorteo # 1571
715

Sorteo #	Joker Letter
0 x Jackpot	Proximo Jackpot
0 x Match 4+	240.000,-
0 x Match 4	
0 x Afl. 12,00	
	03-04-21-24-29
Sorteo # 7170	Proximo Jackpot
0 x Jackpot	95.000,-
3 x Match 4	
205 x Afl 8,00	

Sorteo #	Mega Ball
0 x Jackpot	Proximo Jackpot
0 x match 4	325.000,-
0 x Afl. 500,00	
0 x Afl 50,00	
0 x Afl.15,00	
	Afl 1.250.000,-

Sorteo #

Sorteo #

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🌀 - May 05, 2026	
 Sorteo # 4965 9005 9905 7936  X5  Sorteo # 4965 6210  FP  Sorteo # 3021 6601  Sorteo # 4965 3908 Acuario  Sorteo # 1839 169  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 240.000,-
		 Sorteo # 0 x Jackpot 0 x Match 4 0 x Afl 8,00	Proximo Jackpot 95.000,-
		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 325.000,-
		 MEGA PLUS Afl. 1.250.000,-	
		 Sorteo # 	

SOPI DI LETRANAN

F D P P O T L N G U X X F J B F D O V L E Q M B F
C E N T R O C A M P I S T A H U M E L A T E R A L
U X G E T F K D N D A C Y Ñ B E S L L I U K O B A
J A T Y J H P E G M Q C I H R T R X R A O Z H A S
H S O P I U Q E R E V A W T U A L J Z W N R W Ñ N
J P E N G O G B O J Ñ J X A J O T Q G P O T F U M
G V T S Y I A E D R A E R B W V V L N D X W E E A
E Z T S X D T Q A A F I X E V J T O A C V M T R B
S U X I V A E A C I O F B L N J K N R F V U C F O
O Q N H W T C I R R Y E A J C R E J N T O F P L P
M O L W I S O L A U A U R I G R O O G R I J Y X I
Ñ O S R O E A T M B S E X V T J L C T J U B D O I
Q S L Q P I V L A Z A Ñ U N A A Z N L G M W R R I
Y P I A V F K T V N P N E Ñ B G E C A Z H X O A Ñ
D H C L Z A P U S O O Z Q R Ñ U O D A S N E F E D
O W C Z S U O M R U B E S U C M O R E K L I X Ñ I
U E I G W R P T E P G R P N I R I U R O O H E E Q
F N Ñ C C G E U D G P A E M O L Z M K O X E H S T
F A U J W R A O H Z Q O B R A L L L N G R I I B A
S E M S O J S O X M P O O P P C T O P M K P X B O

FÚTBOL

Árbitro
Banquillo
Balón
Campeonato
Centrocampista
Córner
Defensa
Delantero
Encuentro
Entrenador
Equipos
Estadio
Extremo
Falta
Jugador
Lateral
Marcador
Portero
Prórroga
Vestuario


SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

CROSSWORD WORD SEARCH PUZZLE



Across

2. We are in the month of _____.
7. Broccoli is a _____.
8. On what day of the week do we go to church?
9. A strawberry is a _____.
10. Please shut the _____.

Down

1. After I use the bathroom, I wash my _____.
3. When I am dirty, I like to _____.
4. The color of the sky is _____.
5. The color of the trees are _____.
6. My wife's name is _____.

FORTALEZA PA FAMIA

Scirbi pa Pastor Marcel Balootje.

CRISTO HESUS TA E UNICO CAMINDA PA BIDA ETERNA

Inteligencia Artificial ta aumentando cu un forsa barbaro, y hopi lo kere den dje, tur cos a bira digital, y lo bira mas digital, pasobra hende lo kere mas den material cu den Dios.

Ya pronto mundo lo ta yena cu robot, y robot lo haci trabao di hende, pasobra robot no ta baha cu pension, robot no ta cobra pension, asina ta cu robot lo baha gasto mundialmente y segun tecnologia robot lo produci mas.

Pesey Bijbel ta papia di gran decepcion, pasobra tur locual ta e tecnologia y comunicacion moderno lo laga hende na caya, imagina bo cu bo ta drenta un negoshi y bo no por cumpra pasobra e computer ta down.

Bo ta bay un compania estatal pa paga un cuenta bo no por paga pasobra e computer ta down.

Bo ta bay banco bo no por saca placa pasobra e computer ta down.

Bo ta bay dokter e secretaria no por duna bo resultado pasobra e computer ta down.

Tin situacion asina teribel cu bo tin cu bini mayan cu Dios kier, pasobra pa awe e computer ta down.

Awe tene bon cuenta pasobra manera ciencia ta aumenta e mesun computer , y e mesun

inteligencia artificial lo traha un dia y bisa bo cu Cristo ta bini awe, of E a bini ayera caba.

Dicon e ta bay bira asina pasobra tras di tur e inteligencia cu ta aumenta barbaramente riba e mundo aki, e spirito di anticristo ta meti.

Bo sa dicon e ta cohe tanto poder? Pasobra pa falta di conocimiento hende ta acepta tur cos cu bini na moda, pensando cu door cu e ta bay mas lihe e ta mas mihor, sin wak cu e sistema di mundo ta domina nan bida, y cu e resultado final cu nan lo bay acepta e marca di e bestia, pasobra sin dje, e anticristo lo no permiti ningun negoshi funciona.(Apocalipsis 13:17-18).

Hopi ta pensa cu e anticristo ta un persona, si di berdad e lo bira un persona, pero mientras cu e no manifesta e sistema di mundo e techonologia, e ciencia, e cambio di ley, e inmoralidad y abominacion, lo traha caminda pa e cana pa ora e momento yega e por tuma dominio.

Pasobra anticristo lo bini cu tur cos cu ta anticristo, y lo mata esnan cu ta kere den Cristo pasobra ta nan ta e unico nan cu lo opone contra di su mandato y maldad.

Pesey Dios a entrega su unico Yiu pa ken cu kere den dj'E lo tin bida eterna.

Cristo Hesus a bisa Ami ta e caminda . E berdad y e bida , ni un hende por yega serca e Tata sino ta pa medio di Mi.

Ningun hende cu no tin Cristo Hesus den nan curason y no ta biba pa Cristo no por hereda e reino di cielo.

Den Juan 14:1-4 Cristo Hesus ta bisa: No laga boso curason bira intrankil, kere den Dios, kere tambe den Mi. Den cas di Mi Tata tin hopi lugar di biba, si no tabata asina lo Mi a bisa boso, Pasobra Mi ta bay prepara un luga pa boso. Y ora Mi bay y prepara un luga pa boso, lo Mi bin atrobe y ricibi boso serca Mi, pa caminda Ami ta, boso tambe por ta. Y boso sa unda mi ta bay y e caminda boso sa.

Ta tempo pa para firme , pasobra lo bini bruha di tera cu lo pone hende desvia for di e berdad y keda decepciona.

Mantene boso bista riba Cristo Hesus solamente,

Sinceramente, Pastor Marcel Balootje.

Un dia fructifero colma cu hopi gracia di Dios.

"AMI TA E MATA DI WENDRUIF; BOSO TA E TAKINAN. ESUN KU KEDA DEN MI Y AMI DEN DJE, LO CARGA HOPI FRUTA, PASOBRA BOSO NO POR HACI NADA SIN MI." HUAN 15, 5

E palabranan di e Evangelio ta muestra nos unda nos mester ta y na ken nos tin di keda wanta. E palabra ta bisa cu nos tin di keda den Cristo y di mes E den nos. Cristo ta e caminda, berdad y bida. P'esey nos tin di busca Cristo y tene duro na dj'E asina nos por duna fruta. E fruta cu nos lo duna ta, trece su palabra pa otronan, trata nos rumannan cu amor, pasenshi y bondad. Biba un bida manera Cristo a biba. Un bida sin Cristo ta un bida sin sentido. Tin momento e cosnan ta bira duro y dificil pa por carga fruta. P'esey nos tin di

persevera den nos bida pa por mantene nos na Cristo, durante e momentonan dificil cu nos ta pasa nos ta purificando nos mes. Pasobra sin Cristo nos bida no tin sentido, un bida cu Cristo nos ta produci fruta cu ta keda.

Oracion: Dios Tata, duna nos fortaleza, pasenshi, comprendemento y sabiduria pa medio di Spirito Santo pa asina nos por keda mara na Cristo y asina nos por carga fruta. Amen.



DIOS TA PROHIBI TUR RELACION SEXUAL PAFOR DI SACRAMENTO DI MATRIMONIO

E diabel ta purba cambia e moda di biba di hende, den e relacion sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leynan cu ta contra di e palabranan di Dios, pero Dios ta bisa den Bijbel, Bijbel Malakias 3: 6 : “Ami Senjor, Mi no ta cambia.” Bosonan no sa, cu tur relacionnan sexual pafo di e Sacramento di Matrimonio, ta un relacion sexual prohibi pa fierno. Den e di 9 Mandamento di Dios ta bisa: “ Lo bo no comete e pika di fornicacion, fornicacion ta e relacion sexual prohibi pa Dios, esta : Na esnan cu ta biba companja, na esnan cu ta casa pa Raad so, e prostitutan y na e libertinahe sexualnan di tur clase. Bijbel 1 Corinthionan 6: 18 ta bisa: “Abstene boso di relacion sexualnan prohibi. Tur otro pika cu hende ta comete, ta tuma lugar pafo di su curpa.

Ma esnan cu ta haci relacion sexualnan prohibi, ta peka contra di su mes curpa.” Bijbel 1 Corinthionan 7: 2 ta bisa: “Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo.” Bijbel Hebreonan 13: 4 ta bisa: “Tur hende mester respeta matrimonio den tur aspectonan y mantene e fieldad den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta comete adulterio.” Bijbel 1 Tessalonicensenan 4: 2 – 5 ta bisa: “Boso conoce e instruccionnan

cu nos a duna boso riba autoridad di Senjor Hesus.

E boluntad di Dios ta, pa boso bira santonan y pa boso no tin relacionnan sexual pafo di matrimonio. Cu cada uno sabi di busca un esposa den santidad y respet, sin laga e mal deseonan desvia boso, manera sa haci den e pueblonan cu no conoce Dios.” Bijbel Colonsensenan 3: 5 y 6 ta bisa: “P’esey, mata tur loka ta keda di e mundo aki den boso, esta : Inmoralidad sexual, impuresa, mal pasion, mal deseonan y avaricia cu ta igual na idolatria. Pa motibo di e pikanan asina, Dios ta rabia y ta castiga na esnan cu no ta obedecel’E.”

Bijbel 1 Corinthionan 6 : 19 y 20 ta bisa: “Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa.” Bijbel 1 Corinthionan 6 : 9 y 10 ta bisa : “Boso no sabi, cu e inhustonan lo no drenta den e Reino di Dios? No ganja boso mes, na esnan den relacion sexual prohibi, na e sirbidornan di diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e Reino di Dios.” Relacion sexual mester sosode solamente den e casamento den Sacramento di

Matrimonio pa Dios, pa bo por ta salba. Bijbel Marko 10 : 6-9 ta bisa : “Ma na principio tempo di creacion, Dios a crea nan homber y muher. P’esey e homber lo bandona su tata y su mama, pa e uni cu su muher y e dosnan aki lo bira un solo curpa.

P’esey, loka cu Dios a uni, hende no ta permiti di separa.” Esaki ta e Sacramento di Matrimonio den Misa, na unda Dios ta uni e pareha den un solo curpa, pa medio di un sacerdote. Den e Sacramento di Matrimonio aki, Dios ta uni e pareha den nan bida sexual y den e un solo curpa aki, e muher no ta donjo di su mes curpa mas, sino su esposo, tambe e homber no ta donjo di su mes curpa mas, sino su senjora, lesa Bijbel 1 Corinthionan 7 : 4, loka Dios ta bisa di e pareha casa: “No ta e muher ta donjo di su mes curpa, sino su esposo. Tampoko no ta e homber ta donjo di su mes curpa, ma su senjora.” Pesey e pareha ta keda casa te na morto y Dios no ta reconoce divorcio, pasobra e matrimonio ta un pacto di union di Dios e ta. Si e pareha a divorcia toch, anto nan mester laga e caminda habri y no mete cu ningun otro hende den nan bida. Pasobra e pika di adulterio, ta un caminda pa fierno despues di morto.

Seferino Tromp

Koyari 13-D tel. 5931157 / 5870048

Id. 57.11.22.40

Email: etajuni@yahoo.com

PROMER SCOL DI FAMIA NA ARUBA

Dialuna, 20 di april ultimo, Fundacion FEPA, a traves di Universidad di Pueblo Aruba George van Putten, a cuminsa pa prome biaha na Aruba, cu e concepto ‘scol di famia’.

E proyecto piloto aki yama ‘Mayornan tras di banki’. Meta di e proyecto aki ta, en principio, pa e mayornan di e scol y e bario participa na e cursonan gratis pa haya mas conocimiento y habilidad, mehora nan

posicion riba mercado laboral y guia nan yuinan miho na cas tambe.

Un cantidad di 155 mayor / cursista lo participa na e prome proyecto piloto aki cu ta inicia na Cacique Macuarima. E participantenan por scoge entre e siguiente cursonan: Ingles basico, Hulandes basico, Sales and Marketing, Con pa cuminsa bo propio negoshi na cas mes y Con ta tene buki di bo negoshi. Na



final, e cursistanan lo haya un certificado reconoci bou supervision Examenkamer Nederland.

Tambe ta e intencion pa sigui cu e proyecto aki den tur distrito na augustus y

amplia e cantidad di curso pa e pueblo di Aruba.